



## Universitätsbibliothek Paderborn

**Gallia Vindicata, In Qua Testimoniis Exemplisque  
Gallicanæ Præsertim Ecclesiæ, Quæ Pro Regalia, Ac  
Quatuor Parisiensibus Propositionibvs A Ludovico  
Maimburgo, Alijsque producta sunt, Refutantur**

**Sfondrati, Celestino**

**[Ort nicht ermittelt], MDCLXXXVIII.**

2. Quid Regalia, & per quos gradus proiecta? De Custodia, Infeudatione,  
Spolijs & collationibus beneficiorum. Hæc omnia contra Canones fieri.

**urn:nbn:de:hbz:466:1-38277**

Neque enim huic Gallicæ Sirenî propositum aliud fuisse, quâm Regiam gratiam captare, vel satis illæ Præfationes ad Regem omnes inscriptæ convincunt, laudibus, encomiisque adeò perfusæ, ac adulatio[n]ibus intextæ, ut non dubitem etiam Principi molestas esse: sed mihi non tam Maimburgum, quâm causam ipsam prosequi animus est. Primo igitur libro de Regalia dicam, quam Maimburgus varijs locis sed cursim, ego quóque alio operelibavi; sed nihil, aut pauca de illius extensione, & universitate, quippe ad alia intentus, calamo in quatuor propositiones festinante.

II. Regalia ergo nihil aliud est, quâm *jus*, & *facultas Regibus concessa fructus*, & *proventus vacantis Episcopatus* (*cujus eleccio ad Regem pertineat*) *percipendi*, & *beneficia*, ac *præbendas curæ animarum expertes*, *interim conferendi*. Quamvis enim *jus Regaliae*, si latius sumatur, ex quatuor iuribus confletur, videlicet: *eligendi*, *investiendi*, *beneficia vacantia conferendi*, *percipiendique fructus*, ac *proventus temporales* (a) hîc tamen de duobus tantum ultimis agemus, quæ propriæ ad Regaliæ spestant, omissois *Electionibus*, & *Investituris*, de quibus alibi. Quamvis verò sola vacantium Ecclesiæarum Custodia ad Principes olim pertineret, postea tamen depositum, & Custodia in Dominium, usûmque transiit, vincente leges cupiditate. Imò ne Custodiæ quidem facri Canones Principibus sacerularibus permittebant, sed Oeconomis, quos defuncto Antistite Clerus legebat. (b) Transiit postea, ut dixi, ad Principes Custodia, & post Custodiæ usurpatiō, quæ tamen priusquam in legitimum *jus*, & *privilegium* evaderet, gravissimis Patrum, aliorumque censuris vapulavit. (c) Dicemus ergo quibus incrementis in hanc usque diem *jus Regaliae* adoleverit, ad eumque apicem, quem modò obtinet, pervenerit; quippe non eâdem horâ in valefcunt corruptelæ, sed more fluminum, decursu augentur, initijs verecundis, progressu immodico, ac legum omnium expertise. Quæ causa fuit, ut plerique Regaliae originem obscurissimam crediderint, & Nili fontibus supparem; eam siquidem, ut modò est, quærerant, cum tamen, ut dixi, non semper eadem fuerit,

A 3

(a) Vide *Prælud. Reg. sacerd.* §. 1. n. 13. (b) Vide *Concil. Chalcedon.* can. 26. *Hispal.* II. c. 9. *Tolet.* IV. c. 47. *Nicæn.* II. cap. xi. *Ilerd.* c. 16. *Francford.* can. 41. *Pontigom.* c. 14. *Trofl.* can. 14. & can. 22. 25. *Cauf.* 16. q. 7. & *S. Greg.* lib. 2. epist. 22. (c) Vide *Della Marca* lib. 8. & *Baron.* ann. 996. & *Regale Sacerd.* fol. 70. & 71.

fuerit, sed à parvis, & vix observatis initijs, in immensum creverit, anguum modo quanto major, tanto nocentior.

Primo igitur jus Regaliae nihil aliud, quam jus Custodiæ fuit, & hoc nomine Custodiæ in Concilio Lugdunensi, aliusque Authoribus appellatum est. (a) Vacante ergo Ecclesiâ Episcopali, ejusdem fructus, ac proventus in Custodiæ Principum cedebant, qui etiam ijs custodiendis Oeconomos dabant. Id quidem, ut vidimus, Canonibus vetitum, sed Principes, qui se omnium Ecclesiarum, vacantium præsertim ( quo tempore magis injuriæ patebant ) Advocatos, Defensorésque ferebant, hanc sibi curam deberi crediderant; obtentu ergo pietatis & Canones laxati, & fores cupiditati apertæ. Enimvero ut primum in manus Principum sacerularium facultates Ecclesiæ pervenerunt, de modis cogitari coepit est, quibus adhaerenter, nec cupientibus defuere. Regnantium liberalitate non solum magnâ vi auri, gemmarumque, ac pretiosæ suppelleftilis Ecclesiæ auctæ fuerunt, sed etiam fedis, dominijs, latifundijs quam plurimis (b) haec omnia jure beneficiario à Principibus data. Feudorum origo à Longobardis dicitur gente Germana ad Albim, aut ut alij volunt, ad Visurgim sita, quæ causa est, ut totum jus feudale vocibus Germanis abundet. Hic ergo in Italiam profecti, deletis Gothis ducentos annos regnârunt, prædijs, ac latifundijs in milites loco stipendijs divisis, eâ videlicet conditione, ut cum opus esset, militiam adirent, & Dominis in bello adessent, quietiam hodiernâ tempestate Timaritis Turcarum mos est. Constatbat jus feudale moribus, & consuetudine potius, quam jure scripto, & ita varie mutatum est: olim enim feuda, aut per modum ususfructus, & precariò concedebantur, & morte finiebantur possessoris; aut non prius ad hæredes transibant, quam à Domino directo investirentur, (c) hoc interim fructus omnes vacantis feudi recipiente, unde natū credimus jus Relevij: mortuo enim vasallo, velut in solarium translati in alios feudi reddit ad Dominum directum, non verò ad hæredes jus omnes fructus sibi vendicandi, donec illi investiantur; id in multis Galliarum provincijs adhuc obinet, videlicet Picardia, Campania,

Neu-

(a) Vid. c. 13. de elec. in 6. Flod. in ealce Hist. Rhem. Rigord. ad an. 1190. M. de Pamiers de la Reg. f. 18. Nangis in vit. B. Lud. (b) Vid. L. r. C. de SS. Eccl. Possid. in vit. S. August. cap. 22. Malmesbur. de gest: Reg. Ang. lib. 5. (c) Vide Rambeck in silva Feud. fol. 5. M. de Pamiers de la Regale. fol. 15.

Neustria, Andegavia, Turonia, Armorica, seu Britania minori, & Biturigia. (a) In reliquis Galliae Provincijs, hæredes, non Dominus in feudum, fructusque succedunt, nulloque jure Relevij, sola intra diem, & annum petendæ investituræ necessitas superest. Cum ergo multa feuda liberalitate Principum Ecclesijs Episcopatibus adjuncta essent, hinc sumpta occasio est, vacantium Ecclesiæ fructus, velut aperto feudo, usurpandi, & ita jus Regaliae à feudis originem duxit, quod etiam ex eo palam fit; quod nomen Regaliae, Investituræ, exhibito juramenti, & homagij, aliæque solemnitates, quæ Regaliam comitantur, omnino feudum redoleant, & hoc ipsum cum celebres historici, tum plerique jurisconsulti docuere, (b) jus videlicet Regaliae, feudis deberi. Quæ etiam causa est, ut sicut in feudis non ubique Galliarum defuncto Domino jus Relevij locum habuit, ita neque jus Regaliae ex feudis natum. En alium igitur, & speciosum quidem titulum vacantis Ecclesiæ fructus populandi, jus videlicet feudi. Sed neque hic finis, ut in hydrope, sitim potus accendebat. Supererant Decimæ, oblationes, ac munera fidelium, bona mobilia, supellex domestica; quo jure hæc occuparentur? nam & ista Regalia accesserunt. Repertum est jus spoliij; hoc à Clericis cœptum, qui sublato Antistite ædes diripiebant, legebantque velut ex naufragio spolia: & prædam agentibus Clericis cur Principes cessarent, & potentia, & beneficijs in Ecclesiam collatis multò potiores? Evidem & sacri Canones, & leges Imperatorum in hujusmodi prædones sæpe, graviterque armatae sunt, (c) sed cohiberi abusus non potuit: nam nec Principes metus legum tenebat, & istorum exempla minores sequebantur. Abusus ergo in usum transiit; usus vero, ut ferè solet in conniventiam, hæc in privilegium (concedi enim solent, quæ veterani non possunt) & indulgentiam necessitas fecit. Hic tertius Regaliae

(a) Picardie, Campagne, Normandie, Anjou, Touraine, Bretagne, Berri (b) Vide Marc. lib. 8. cap. 22. Rigord. de Gesl. Philippi Aug. ad an. 1209. Innoc. III. lib. 1. epist. 190. & lib. 2. epist. 40. 106. 107. Matt. Paris. ad ann. 1164. Libert. de l' Egl. Gallic. fol. 106. M. de Pamiers fol. 17. & Phil. Puch. in mandato Archiepisc. Senon. dato, ubi: *Sicut feudum vasello vacans cum suis redditibus interim a Domino licet occupatur, idque de jure, & generali consuetudine, sic Nos, & nostri antecessores vacante Eccl. Carnot, temporalia accipimus, & nos facimus omnes fiducias, &c.* (c) V. Concil. Antioch. can. 24. & 22. & Concil. Chalc. can. 22. & const. Joan. ac Eman. Comin. ann. 1120. & 1213. & in Decreto causam 12. quaest. 2.

galiæ gradus fuit. Ab hoc ad collationes Beneficiorum, quæ curam Animarum non habent, processum est. Quis crederet hoc à Laicis tentari potuisse? tentatum est, imò & obtentum, ac tandem quod in veteratum usum ferè consequitur, à Summis Pontificibus toleratum, & tolerantia pro privilegio accepta: ac primò quidem nominabant tantum, aut præsentabant Principes; Capitulum, Metropolitani, aut Pontifex conferebat; postea libertate ex even-  
tu aucta; etiam collationes Beneficiorum securæ; quo, inquires, hoc jure? quod collationes inter fructus Episcopatús censerentur, utique familias de Regibus bene meritas remunerari liceret, intacto interim, & illibato ærario; nec Pontifices abnuebant. (a) Philippus Augustus expeditioni in Terram Sanctam accinctus Reginæ Matri, & Rhemeni Archiepiscopo, quando Regalia in manus Regias de-  
venerint collationes Beneficiorum testamento committit: Idem Philippus uni ex aulicis Capellanis Canonicatum vacantis Eccle-  
siæ Laudunensis secundum antiquam, & approbatam Regni sui consuetudi-  
nem contulerat, & cum Innocentius III. alium promovisset, que-  
relæ Romam allatae ad Pontificem sunt, nec verò rejectæ, sed causa,  
uter ex promotis præhabendus esset ad Capitulum Laudunense  
remissa.

Idem quoque jus à Ludovico sancto exercitum: nam primam in Palæstinam expeditonem adornans, Regiæ Matri inter alia con-  
cedit, ut dignitates, ac Beneficia Ecclesiastica vacantia conferre, fidelitates Epi-  
scoporum recipere, & Regalia restituere eis debeat. (a)

Idem repetit in literis ante secundam navigationem datis: &  
cùm Clemens IV. PP. vacante Ecclesia Rhemeni præbendam con-  
tulisset, Rege sancto sua privilegia violari conquerente, Pontifex  
gratiam jam in alium collocatam revocavit. Gregorius X. anno  
1271. collationem à Rege Philippo Audaci factam vacante Ecclesiâ  
Senonensi probat, confirmatque. His ergo gradibus Regalia pro-  
cessit; sed nec stetit hic quidem. Olim Provincias tantum, & Ec-  
clesias aliquas complectabatur, non verò omnes, quod infra de-  
monstrabitur, nec Principes Sacerdotia omnia conferebant, sed  
ea tantum, quibus nulla animarum cura. Hac verò tempestate,

anno

(a) Anno 1190. (b) V. Testam. Regis Aug. dans le Liv. des libertez de l' Egliſ.  
Gall. chap. 16. an. 4. Bull. Innoc. III. idid. a. 6. litter. Ludov. IX. an. 1148. Ibid.  
a. 15. Nangis in vit. S. Ludov. p. 445.

anno videlicet MDCLXXIII. Regia declaratio prodijt, quæ jus Regaliæ ad omnes Gallicas, alijsque Provincias Regi subjectas profert. Crediderim illam non tam Regio motu, & voluntate, quād adulantium artibus expromptam; quò enim jus Regaliæ amplius patet, tantò eorum, qui Regem circumstant, major est jurisdictio, ac facultas amicos, clientelas, favores, opesque parandi, collatis in eos Beneficijs, pro quibus ipsi supplicant, aurēsque Principis occupant; maximè cū eorum arbitrio Sacerdotia plerūmque committantur. Privatis ergo studijs Regium nomen obtenditur. Accessere alia, quæ hanc ipsam collationem supra omnes Canones, regulasque Ecclesiæ in immensum extendunt. Olim sola nominatio, aut Præsentatio, nunc Collatio, & Institutio est. Admittuntur resignationes *in favorem*, onerantur Sacerdotia pensionibus: conferuntur Beneficia non solum libera, sed etiam juri Patronatus tam Laici, quād Ecclesiastici obnoxia; Canonicatus, aliæque dignitates, quarum Collatio non ad solum Episcopum, sed etiam alternative ad Capitulum, seu Collegium spectat, nullo discrimine Regaliæ subduntur; imò etiam quæ ad Capitula Regularium, & quæ in item deduēta sunt, quæque solo factō, quamvis non jure, aut econtrà quæ solo jure etiā non factō vacant, legitimis, innoxiisque possessoribus nullā causā submotis; & quia post Galiliæ concordata solis Regibus jus ad Episcopatus nominandi concessum est extintis electionibus; facile est nominationem diu multūmque differri, quod Principis arbitrio sedet; interim, dum delectus agitur, dum Romæ Confirmatio elaboratur, dūmque in actualem possessionem Episcopus intrat ( nam & hæc necessaria est ) quis non videt per tot rerum, temporūmque ambages, & Regaliæ spatia protendi, & temporis beneficio proventus Regios augeri, Ecclesiā interim viduitati, prædæque relictā. Denique his omnibus Beneficia Curata, Ecclesiæque Parochiales augendo velut fasci paulatim adjiciuntur, aut saltem voluntas, conatusque Regijs Officialibus non deest; quod etiā Archiepiscopus Tolosanus in Epistolis ad S. Pontificem datis neget, aut potius Sacerdos ille Societatis, qui Archiepiscopi calamum ducit, aperte tamen convincitur, tum ex varijs, vulgatisque libellis, quibus etiam ad hæc Beneficia Regaliam extendi posse persuadere conatur: tum

B

Episcopi

9

Episcopi Apamensis testimonio (a) in libro, quem de Regalia scriptum reliquit, & quem nemo haftenus confutare est ausus, quamvis non deessent in Gallia, quicuperent, nisi veritatem erubescerent; tum exemplo Archipresbyteratus cuiusdam (b) in Episcopatu Apamensi, quem legitimo possessori ademptum, quod Episcopi sui causam Romæ ageret, in alterum contulere Regaliae obtenu. Videas ex haftenus dictis, per quos gradus paulatim Regalia profecerit, & quibus incrementis ad fastigium provecta sit: in quibus nemo tam leviter tintactus est, qui non videat, quā multa sint sacris Canonibus adversa, & Canonibus non recentibus tantum, quos Galli neglectui habent, sed Canonibus antiquissimis, & illis ipsis quos libertatis Gallicae fundamenta esse dicunt. Mirari ergo satis non possum, eos ipsos, qui singulis ferè lineis observantiam Canonum decantant, qui hanc ipsam Summis Pontificibus contentissimè inculcant, ejusque relaxandi Canones facultatem in item vocant, quique libertatis Gallicanæ fundamenta in Canonibus ponunt, adeò tamen in Canones offendere, ut ne curare videantur. Quid magis Patrum decretis prohibetur, quā Electiones liberas turbari, proventus Ecclesiarum diripi, Monasteria Abbatibus titularibus commendari, Beneficia Pensionibus subdi, resignationes *in favorem* recipi, nominationes Patronorum occupare, causas Ecclesiasticas profanis tribunalibus subdere, Principes Ecclesiasticae libertati graves silentio, applausu, consilijs, turpique adulazione permulgere, imò nolentes impellere? eos verò qui officij sui, ac periculi monent, adornatis accusationibus suspectos, reosque facere, facultibus, exilijs, suppliciisque punire, nullius criminis compertos, quā quod æquum gratiæ præhabuerint, magisque animas Regum, quā præmia dilexerint? Et denique, ut mille alia dissimilem, quid magis in Canones pugnat, quā limites ab Oecumenico Concilio, & sexcentorum Patrum suffragijs, imò divino instinctu, Regiisque assensu fixos, evertere, ac privatis lucris posthabere? & tamen qui hæc Parisijs non ferunt tantum, sed etiam faciunt, audent tamen Romam in clamare, & Canonum admonere, ac illud Zachariæ Pontificis ingerere: *Dominentur*

(a) M. de Pamiers de la Regale. fol. 44. (b) Archipretura d'Ax pigliata al Sig. Dorat, e data ad un Regalista Moccau.

minentur vobis Regula, non vos Regulis. Parcite, rogo, vocibus, nec eas in longum producete; vos ipsos, & vicinam aulam monete, hic Regulæ gemunt, hic Canones suspirant, & ab aliquo Sacerdotum liberam vocem, ac patrocinium expectant, quam si audirent, quies Romæ, & silentium; vobis enim, vestræque libertati pugnat. Illud verò risum, an indignationem meretur? tot abusibus excusandis, quæ Regaliam, ut nunc est, consequuntur. Regem negant cum Beneficia confert, Canonibus teneri, quippe aperitā semel, & durante Regaliā, multò ei, quām Episcopis, Romanōque Pontifici ampliorem esse facultatem: jūs Regala jure Canonico, quod Episcopos ligat, multò esse antiquius, nec proinde restringi Canonibus potuisse; Regem ergo in vacantem Ecclesiam Episcopis quidem succedere, sed auctoritate plusquam Episcopali, Regiā videlicet nullis Ecclesia legibus, nullis regulis finitā. (a) Ita Regiam mentem, ac sententiam Episcopus Apamensis expressit, testis oculatus, & experiētiā doctus; & consipirat Maimburgus in libello de Privilegijs Rom: Ecclesiæ, ubi cùm dixisset: *Libertatem Ecclesiæ in eo esse, ut sacri Canones obseruentur, non vero ut pro Romani Pontificis arbitrio solvantur;* subdit: *Ecclesia vero Gallicana libertatem eam haberi, ut legibus recens conditi subdi non possit, nisi sponte acceptatis:* quasi verò non eadem sit potestas, quæ novas, & quæ antiquas leges condidit; si ergo antiquis reverentia, & obsequium debetur, cur non beatur novis quidem, sed necessarijs? an antiqui Canones non erant aliquando novi, num ergo repelli poterant obtentu novitatis? & si olim novitas Canonum recusantes non absolvebat, cur modò absolvit? num olim tantum ligandi potestas, clavésque Regni Cœlorum Petro commissæ? Quid si ab Oecumenico Concilio novi Canones prodeant, an impunè rejicient? & denique nemo prudens Medicum idè repelli ab ægro potuisse dixerit, quia novis morbis nova remedia paravit. Quamquam ne novis quidem Canonibus opus est, sufficiunt antiqui, ac Religioni in Gallia coævi, quibus si fides, & reverentia sit, satis illi enixéque Regaliam damnant, ut meritò de illis dixeris, quod Christus olim scripturas jaftantibus: *scrutamini anticos Canones, in quibus putatis vos fiduciam habere, & ipsi sunt, qui testimonium perhibent contra vos.*

III. Enim vero sub Regibus Galliæ primæ, secundæque stirpis certum est Regaliae locum non fuisse. Recepta est omnium ferè

B 2

Scri-

(a) M. de Pamiers de la Reg. fol. 43.n. 1.